

წ ე ს დ ე ბ ა

თავი I

მუხლი 1. ზოგადი დებულებები

1. არასამეწარმეო (არაკომერციული) იურიდიული პირი პროფესიული კოლეჯი „განთიადი“ (შემდგომში - „კოლეჯი“) წარმოადგენს არასამეწარმეო (არაკომერციულ) იურიდიულ პირს, პროფესიული საგანმანათლებლო დაწესებულებას, რომლის დამფუძნებლები არიან არასამეწარმეო (არაკომერციულ) იურიდიულ პირი გორის სასწავლო უნივერსიტეტი და არასამეწარმეო (არაკომერციულ) იურიდიულ პირი „საქართველოს აგრარული უნივერსიტეტი“ (შემდგომში - დამფუძნებლები).
2. კოლეჯი თავის საქმიანობას წარმართავს საქართველოს კონსტიტუციის საქართველოს საერთაშორისო ხელშეკრულებების და შეთანხმებების, „პროფესიული განათლების შესახებ“ საქართველოს კანონის, სხვა ნორმატიული აქტებისა და ამ წესდების შესაბამისად.
3. კოლეჯი საკუთარ მიზნებსა და ამოცანებს ახორციელებს დამოუკიდებლად.
4. კოლეჯს აქვს დამოუკიდებელი ბალანსი, საბანკო ანგარიში, ბეჭედი და იურიდიული პირის სხვა რეკვიზიტები.
5. კოლეჯის მისამართია: ქ. გორი, ბესიკის ქ. #2
6. საზოგადოების ელექტორნული ფოსტის მისამართი: t.kakutia@agruni.ge

მუხლი 2. მიზნები და ამოცანები

1. კოლეჯის მიზნებია:

- ა) ფორმალური პროფესიული განათლების პირველი სამი საფეხურის პროფესიული საგანმანათლებლო პროგრამების (შემდგომში – პროგრამები) განხორციელება.
- ბ) თანამედროვე მოთხოვნების შესაბამისი კვალიფიკაციის მქონე, ეროვნული და საერთაშორისო ღირებულებების მატარებელი და საერთაშორისო შრომის ბაზარზე კონკურენტუნარიანი სპეციალისტების მომზადება.
- გ) პროფესიული განათლების მქონე კვალიფიციურ კადრებზე მოთხოვნების დაკმაყოფილება.

2. თავისი მიზნების მისაღწევად კოლეჯი:

- ა) უზრუნველყოფს თითოეული პროფესიული სტუდენტის განათლების, მომზადებისა და განვითარების პირობებს, მისი განსაკუთრებული საჭიროებების გათვალისწინებით;
- ბ) ზრუნავს პროფესიული მასწავლებლის კვალიფიკაციის ამაღლებაზე;
- გ) ხელს უწყობს პროფესიული განათლების სფეროში სასწავლო-სამეწარმეო პარტნიორობას;
- დ) ზრუნავს შეზღუდული შესაძლებლობების მქონე პროფესიულ სტუდენტთათვის სწავლის პირობების შესაქმნელად;
- ე) ხელს უწყობს თანამედროვე ცოდნისა და მეთოდების გავრცელებას;
- ვ) თანამშრომლობს საქართველოს სხვა საგანმანათლებლო დაწესებულებებთან;
- ზ) ხელს უწყობს საერთაშორისო თანამშრომლობას და უცხოეთის შესაბამის საგანმანათლებლო დაწესებულებებთან პროფესიულ სტუდენტთა და მასწავლებელთა ურთიერთგაცვლას;

თ) ახორციელებს საქართველოს კანონმდებლობით გათვალისწინებული სხვა უფლებამოსილებებს.

თავი II კოლეჯის მართვა

მუხლი 3. კოლეჯის მართვის ორგანოები და კოლეჯის სტრუქტურა

კოლეჯის მართვის ორგანოებია კოლეჯის დირექტორი და კოლეჯის სამეურვეო საბჭო.

მუხლი 4. კოლეჯის დირექტორი

1. კოლეჯის დირექტორს ნიშნავენ და ათავისუფლებენ დამფუძნებლები ურთიერთშეთანხმებით.
2. კოლეჯის დირექტორი არის კოლეჯის ხელმძღვანელობაზე და წარმომადგენლობაზე უფლებამოსილი პირი. მას შეიძლება ჰყავდეს მოადგილე, რომელსაც ნიშნავენ და ათავისუფლებს კოლეჯის დირექტორი.
3. მოადგილე დირექტორის არყოფნისას ასრულებს მის მოვალეობას.
4. კოლეჯის დირექტორი არის ოთარ დაბრუნდაშვილი (დაბადებული 1981 წლის 11 სექტემბერს, პირადი №57001007907, მის: ხაშურის მუნიციპალიტეტი, სოფელი ოსიაური; რუსთაველის ქ. №40)

მუხლი 5. კოლეჯის დირექტორის ფუნქციები

კოლეჯის დირექტორი:

- ა) ახორციელებს კოლეჯის მართვას;
 - ბ) წარმოადგენს კოლეჯს მესამე პირებთან ურთიერთობებში;
 - გ) სამეურვეო საბჭოს დასამტკიცებლად წარუდგენს კოლეჯის შინაგანაწესსა და ბიუჯეტს;
 - დ) სამეურვეო საბჭოს შესათანხმებლად წარუდგენს საშტატო განრიგს და ხელფასის ფონდს;
 - ე) უზრუნველყოფს პროფესიული განათლების მასწავლებლებთან და კოლეჯის სხვა თანამშრომლებთან შრომითი ხელშეკრულებების დადებასა და შესრულებას, უფლებამოსილია კანონმდებლობით დადგენილი წესით შეწყვიტოს მათთან შრომითი ურთიერთობა;
 - ვ) საქართველოს კანონმდებლობითა და წესდებით გათვალისწინებული უფლებამოსილებების განხორციელების მიზნით გამოსცემს ბრძანებას;
 - ზ) არა უგვიანეს პირველი თებერვლისა, აბარებს ყოველწლიურ ანგარიშს სამეურვეო საბჭოს კოლეჯის საგანმანათლებლო, ფინანსური და კანონმდებლობით ნებადართული სხვა საქმიანობის შესახებ;
- თ) უფლებამოსილია დადოს გარიგებები, ხოლო ისეთი გარიგებებს, რომელთა ღირებულებაც აღემატება კოლეჯის ბიუჯეტის 5%-ს, დებს კოლეჯის სამეურვეო საბჭოს თანხმობით.
- ი) წარმართავს და ზედამხედველობს კოლეჯში მიმდინარე საგანმანათლებლო პროცესს;
 - კ) ასრულებს კოლეჯის მართვის ორგანოების ფუნქციებს კოლეჯის პირველი სამეურვეო საბჭოს შექმნამდე;
 - ლ) ახორციელებს საქართველოს კანონმდებლობითა და კოლეჯის წესდებით გათვალისწინებულ სხვა უფლებამოსილებებს.

მუხლი 6. კოლეჯის სამეურვეო საბჭო

1. კოლეჯის საქმიანობის საზედამხედველი ორგანოა სამეურვეო საბჭო, რომელიც შედგება დამფუძნებლების მიერ დანიშნული თითო წევრისაგან.
2. კოლეჯის სამეურვეო საბჭო ახორციელებს ამ წესდებით, საქართველოს კანონმდებლობითა და დამფუძნებლების მიერ განსაზღვრულ ყველა უფლებამოსილებას.
3. კოლეჯის სამეურვეო საბჭო გადაწყვეტილებებს იღებს ერთობლივად.

მუხლი 7. კოლეჯის სამეურვეო საბჭოს უფლებამოსილებები

კოლეჯის სამეურვეო საბჭო:

- ა) ზედამხედველობს კოლეჯის დირექტორის საქმიანობას.
- ბ) კოლეჯის დირექტორის წარდგინებით ამტკიცებს კოლეჯის ბიუჯეტს.
- გ) თანხმობას აძლევს კოლეჯის დირექტორს ძირითადი სტრუქტურული ერთეულების შექმნაზე და გაუქმებაზე;
- დ) ამტკიცებს კოლეჯის პროგრამებს;
- ე) ახორციელებს კოლეჯის საფინანსო-ეკონომიკური საქმიანობის კონტროლს;
- ვ) კოლეჯის დირექტორს აძლევს თანხმობას ქონების შეძენასა და გასხვისებაზე;
- ზ) კოლეჯის დირექტორს აძლევს თანხმობას სესხის აღებაზე;
- თ) კოლეჯის დირექტორს აძლევს თანხმობას თავდებობაზე;
- ი) ითანხმებს კოლეჯის დირექტორის მიერ წარმოდგენილ საშტატო განრიგისა და ხელფასის ფონდს;
- კ) აძლევს თანხმობას კოლეჯის დირექტორს ისეთი გარიგებების დადებისას, რომლის ღირებულებაც აღემატება კოლეჯის ბიუჯეტის 5%-ს;
- ლ) ითანხმებს სხვა გადაწყვეტილებებს დაკავშირებულს კოლეჯის ქონებასთან, თუ ისინი სცილდება ამ წესდების მე-5 მუხლის ჩვეულებრივი საქმიანობის ფარგლებს.
- მ) უფლებამოსილი არის, შეაჩეროს ან გააუქმოს კოლეჯის არამართლზომიერი გადაწყვეტილება.

თავი III დაფინანსების წყაროები

მუხლი 8. კოლეჯის დაფინანსება

1. კოლეჯის დაფინანსების წყარო შეიძლება იყოს:

- ა) შესაბამისი ბიუჯეტიდან გამოყოფილი მიზნობრივი სახსრები;
- ბ) სახელმწიფო შეკვეთის შესრულებიდან მიღებული შემოსავალი;
- გ) ხელშეკრულების საფუძველზე შესრულებული სამუშაოდან მიღებული შემოსავალი;
- დ) საქართველოს კანონმდებლობით ნებადართული სხვა შემოსავლები.

2. კოლეჯის ყველა შემოსავალი და ხარჯი აისახება მის ბიუჯეტში.

3. კოლეჯის სახსრების განკარგვა ხდება კანონმდებლობით დადგენილი წესით და მთლიანად ხმარდება კოლეჯის მიზნებისა და ამოცანების შესრულებას. კოლეჯის სახსრების გამოყენება სხვა მიზნებისათვის აკრძალულია.

თავი IV კოლეჯის რეორგანიზაცია და ლიკვიდაცია

მუხლი კოლეჯის რეორგანიზაცია და ლიკვიდაცია

კოლეჯის რეორგანიზაციასა და ლიკვიდაციას ხორციელდება კანონმდებლობით დადგენილი წესით.